



Concello de Vigo
Expte. 3574/1101

ACTA

PLENO DO EXCMO. CONCELLO DE VIGO Nº 14/2021

SESIÓN EXTRAORDINARIA DO 10 DE OUTUBRO DE 2022

ORDE DO DÍA

- 1.- Aprobación inicial da Modificación Orzamentaria nº 91/2022, de Crédito Extraordinario financiado con remanente líquido de Tesourería para gastos xerais. Expte. 78/142 (Expte. Pleno 3564/1101).

ASISTENTES

POLO GRUPO MUNICIPAL SOCIALISTA

Caballero Álvarez Abél Ramón
Aguiar Castro Yolanda
Aneiros Pereira Jaime
Blanco Iglesias Eugenia Dolores
Caride Estévez María José
Estévez Rodríguez Pablo Luis
Fernández Pérez José Manuel
Gómez Díaz Gorka
Iglesias González Ana Laura
Lago Barreiro María del Carmen
López Font Carlos
Losada Alvarez Abel Fermín
Mejías Sacaluga Ana Maria
Pardo Espiñeira Francisco Javier
Rivas González Ángel
Rodríguez Calviño Patricia
Rodríguez Díaz Santos Héctor
Rodríguez Rodríguez Nuria
Silva Rego M^a Carmen

POLO GRUPO MUNICIPAL POPULAR

Bartolomé Tocino, Carlota
Egerique Mosquera Teresa
López Román Patricia
Marnotes González José Alfonso

POLO GRUPO MUNICIPAL MIXTO

Méndez Fuentes Oriana
Pérez Correa Ruben

MEMBRO NON ADSCRITO

Pérez Igrexas Xabier

NON ASISTEN:

Espinosa Mangana Elena, concelleira grupo municipal Socialista.

No salón de Plenos da Casa do Concello de Vigo, ás nove horas e seis minutos do día dez de outubro do ano dous mil vinte e dous, coa Presidencia do Excmo. Sr. Alcalde, D. Abel Ramón Caballero Álvarez, e asistencia dos concelleiros Sres. e Sras. Aguiar Castro, Aneiros Pereira, Bartolomé Tocino, Blanco Iglesias, Caride Estévez, Egerique Mosquera, Estévez Rodríguez, Fernández Pérez, Gomez Díaz, Iglesias González, Lago Barreiro, López Font, López Roman, Losada Alvarez, Marnotes González, Mejías Sacaluga, Méndez Fuentes, Pardo Espiñeira, Pérez Correa, Pérez Igrexas, Rivas González, Rodríguez Calviño, Rodríguez Díaz, Rodríguez Rodríguez e Silva Rego, actuando como Secretario Xeral do Pleno que asina D. José Riesgo Boluda, constituíuse o Pleno da Excma. Corporación en sesión EXTRAORDINARIA conforme á convocatoria e segundo a orde do día remitida a todos os Sres. e Sras. concelleiros e concelleiras coa antelación legalmente requirida. Está tamén presente o Interventor Xeral Municipal, don Alberto Escariz Couso.

O Presidente declara aberta a sesión en primeira convocatoria e procédese a tratar os asuntos da orde do día.

1.(194) APROBACIÓN INICIAL DA MODIFICACIÓN ORZAMENTARIA Nº 91/2022, DE CRÉDITO EXTRAORDINARIO FINANCIADO CON REMANENTE LÍQUIDO DE TESOURERÍA PARA GASTOS XERAIS. EXPTE. 78/142 (EXPTE. PLENO 3564/1101).

ANTECEDENTES.- Con data 23 de setembro do 2022, o director superior contable e orzamentario e o concelleiro-delegado de Orzamentos e Facenda, emiten o seguinte informe proposta,

“Antecedentes

Resolución da Alcaldía de incoación do expediente coa memoria incluída.
Xustificación da modificación, pola responsable do servizo de Educación.
Empregos que xustifican a tramitación do expediente e a contía da modificación.

Xustificación

O principio de anualidade orzamentaria, e especialmente dalgún dos recursos que financian o gasto, e as distintas fases temporais polas que teñen que pasar os contratos públicos de determinada contía, fai que se teñan que adoptar medidas para paliar unha posible insuficiencia de crédito para rematar con éxito proxectos en marcha. Por iso, é preciso axustar os créditos asignados a determinados proxectos para conseguir a execución total dos mesmos.

A súa vez, xorden no transcurso do ano, novas necesidades que non poden ser aprazables, así se fai constar no informe xustificativo dos servizos.

Por outra banda, tamén a oportunidade de utilizar o remanente de tesourería na prórroga que, para 2022-2023, se fixo da suspensión das regras fiscais, tanto na regra de gasto, como na de estabilidade orzamentaria.

Xustificación da inexistencia de recursos para a finalidade prevista.

No transcurso do ano xurdiu unha situación imprevisible que está a ter efectos moi perversos na capacidade dos cidadás para afrontar as súas necesidades:

- a) A inflación, que está a alcanzar cifras que non se producían dende hai máis de 30 anos.
- b) Subida dos tipos de xuros que fan que as hipotecas se leven por diante un porcentaxe moi elevado das rendas.
- c) A inseguridade e inestabilidade que está a xerar toda esta situación na economía, na produción e polo tanto, no emprego.
- d) O prezo de custe dos subministros eléctricos, gas, carburantes.

Xustificación da insuficiencia de recursos para atender o emprego que se pretende.

A finalidade do crédito extraordinario é a de facer fronte a un plan extraordinario-excepcional, non recorrente, de axudas ás familias con fillos escolarizados en ensinanza primaria e secundaria obrigatoria e educación especial.

Queda xustificada a inexistencia de crédito na bolsa de vinculación xurídica 3260.48.

Queda xustificado o carácter concreto e específico do gasto.

En canto á inaprazabilidade do gasto, o obxectivo é que as axudas se adxudiquen no ano 2022, que se corresponde co período no que as familias incorreron no gasto, sendo necesario facer a tramitación das mesmas no ano 2022.

Estamos pois nunha necesidade non aprazable ao ano 2023, sendo o obxectivo a súa concesión dentro do exercicio orzamentario do ano 2022.

Na memoria que xustifica a Resolución de inicio do expediente, abúndase na xustificación da tramitación do expediente.

Queda pois, legal e tecnicamente xustificada a tramitación deste expediente, tanto no apartado técnico en canto a inaprazabilidade das necesidades, como no ámbito legal, axustando o procedemento aos requirimentos contidos no artigo 177 do TRLRFL.

Queda pois, legal e tecnicamente xustificada a tramitación deste expediente, tanto no apartado técnico en canto a inaprazabilidade das necesidades, como no ámbito legal, axustando o procedemento aos requirimentos contidos no artigo 177 do TRLRFL.

Na memoria xeral, que xustifica a Resolución de inicio do expediente, abúndase na xustificación da tramitación do expediente, sen prexuízo da xustificación que reflicte cada un dos expedientes tramitados polos servizos xestores.

En resume, queda acreditado que as necesidades que reflicte o expediente 77/142, son inaprazables, estando xustificada de forma detallada e específica para cada aplicación, e non teñen dotación orzamentaria ou esta é insuficiente para facer fronte as mesmas.

Normativa de aplicación

Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, (TRLRFL).

Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, (LOEOSF).

Regulamento (UE) N° 549/2013 do Parlamento Europeo e do Consello, de 21 de maio de 2013, relativo ao Sistema Europeo de Contas Nacionais e Rexionais da Unión Europea (SEC 2010).

Regulamento (CE) n° 1466/97 do Consello de 7 de xullo de 1997, relativo ao reforzamento da supervisión das situacións orzamentarias e á supervisión e coordinación das políticas económicas, coa modificación operada polo Regulamento 1175/2011, de 16 de novembro, do Parlamento e do Consello.

Lei 7/1985, de 2 de abril, Reguladora das Bases de Réxime Local, (LRBRL).

Lei 27/2013, de 27 de decembro de Racionalización e Sustentabilidade da Administración Local, (LRSAL).

Real Decreto 500/1990, de 20 de abril, polo que se desenvolve o título sexto da LRFL, (RP).

Orde EHA/3565/2008, de 3 de decembro, pola que se aproba a estrutura dos orzamentos das entidades locais coa modificación operada pola Orde HAP/419/2014, de 14 de marzo.

Resolucións do Sr. Alcalde Presidente de 18 e 26 de xuño de 2019 e texto consolidado do 20/09/2020 sobre delegación de competencias.

Bases de Execución do Orzamento.

Acordos adoptados sobre a suspensión dos obxectivos das regras fiscais de Estabilidade Orzamentaria, Regra de Gasto e Endebemento para o período 2020-2023 e se autoriza ás Entidades Locais aos empregos do Remanente Líquido de Tesourería de forma non finalista.

En todo caso, as EE.LL, deben ter como obxectivo, liquidar os Orzamentos do ano 2022 nunha senda de equilibrio, aínda que, este non é vinculante, sendo este un obxectivo de referencia.

Expediente que se tramita

En execución da Resolución do Sr. Alcalde-Presidente da data que se reflicte na sinatura electrónica, instrumentouse o expediente de modificación orzamentaria n° (91/2022), que está conformado da seguinte documentación:

Informe xustificativo do Servizo de Educación dá necesidade técnica e económica de dotar de financiamento unha aplicación orzamentaria por unha contía de 5.200.000,00 euros para afrontar un plan extraordinario-excepcional, non recorrente, de axudas ás familias con fillos escolarizados en ensinanza primaria e secundaria obrigatoria e educación especial, tendo dispoñibilidade de recursos financeiros para afrontar o emprego no recurso financeiro que conforma o RLTTG da Liquidación do ano 2021.

Informe da Tesourería e Dirección Orzamentaria sobre a situación da economía e o impacto que está a ter a espiral inflacionista e a subida dos carburantes, da electricidade e do gas na economía das familias e no seu poder adquisitivo, producíndose unha perda importante da clase media e un empobrecemento xeral das familias.

A utilización deste recurso non é contraria ao cumprimento dos obxectivos que conforman as regras fiscais, estando suspendidas no marco temporal 2020-2023, o resultado da Liquidación do Orzamento do ano 2022, non requirirá, calquera que sexa a contía do superávit/déficit e da evolución do gasto non financeiro, a tramitación e aprobación dun Plan Económico Financeiro. Non obstante, é un obxectivo manterse dentro das taxas de referencia aprobadas polo Goberno da Nación, no que se fixa para as Entidades Locais un obxectivo de equilibrio, que non é vinculante. En relación co anterior, achégase un proxecto de Liquidación do ano 2022.

Faise constar, que en relación co endebedamento e sostibilidade financeira, a esta data, non está previsto ao peche do ano 2022 a concertación de operacións de crédito, polo que, non hai endebedamento financeiro, sendo o coeficiente de endebedamento calculado nos termos previstos no TRLRFL do 0%.

Tramitación e aprobación do expediente

A Xunta de Goberno Local en sesión extraordinaria-urxente celebrada o día 26 de setembro de 2022, aprobou a Modificación Orzamentaria, Crédito Extraordinario-Suplemento de Crédito nº 91/2022, correspondente ao expediente 78/142.

En aplicación do previsto no Regulamento Orgánico do Pleno, o 26 de setembro de 2022 fixouse o calendario para que os grupos políticos municipais poidan presentar emendas á Modificación orzamentaria nº 91/2022, expediente 78/142. O prazo fixado comezou o día 26/09/2022 e rematou ás 13,00 horas do día 03/10/2022.

De acordo ao previsto no artigo 82 do Regulamento Orgánico do Pleno (ROP), o expediente electrónico foi enviado á Secretaría do Pleno con data 08/02/2022, así mesmo, coa mesma data, liña 92 do expediente, pola Secretaría do Pleno, autorízase a todos os Concelleiros que conforman o Pleno, o acceso ao expediente coa finalidade de que poidan consultar e imprimir todos os documentos que consideren necesario para o estudo, emenda e formación da vontade sobre o pronunciamento que adopten no expediente, quedando así garantida a posta a disposición dos Grupos Políticos Municipais e Membros non adscritos da documentación que conforma o expediente 77/142.

Seguindo o procedemento legalmente establecido, os Grupos Políticos Municipais e Membros non adscritos, ao amparo do previsto no artigo 83 do Regulamento Orgánico do Pleno (ROP), fixeron uso desta prerrogativa e presentaron emendas á modificación orzamentaria no prazo previsto pola Comisión Informativa do que queda constancia no expediente coa data 03/10/2022, rexistradas na data e co número que figura nos documentos que se incorporan ao expediente electrónico.

Emendas presentadas

EMENDA PRESENTADA POLO MEMBRO NON ADSCRITO DO PLENO.

En data 03/10/2022, o Sr. Concelleiro D. Xabier Pérez Iglesias, membro non adscrito do Pleno, presentou unha emenda complementaria, como parcial, co número de rexistro da Secretaría do Pleno 3572/1101.

EMENDA PRESENTADA POLO GRUPO MUNICIPAL MIXTO.

En data 03/10/2022, a Concelleira Dona Oriana Méndez Fuentes e o Concelleiro, D. Rubén Pérez Correa, do Grupo Municipal Mixto, co número de rexistro da Secretaría do Pleno 3575/1101, presentan emenda á totalidade .

Emenda presentada polo membro non adscrito do Pleno

O informe que se achega ao expediente sobre a avaliación das emendas, pon de manifesto un desborde en relación coas limitacións que fixa o artigo 83 do Regulamento Orgánico do Pleno ou incumprimentos propios do TRLRFL:

a) A emenda presentada polo Sr. Concelleiro D. Xabier Pérez Iglesias, membro non adscrito do Pleno, propón empregos por unha contía superior á modificación aprobada pola Xunta de Goberno na sesión do 26/09/2022. Neste caso, a emenda está a incrementar a contía do gasto proposto en 19.600.000,00 euros, en consecuencia, sen amparo no Regulamento Orgánico do Pleno e superando a contía do informado e do aprobado.

b) A emenda propón empregos que non queda acreditado o cumprimento do previsto no artigo 177 do TRLRFL, empregos que non se poidan demorar até o exercicio seguinte.

c) A emenda propón unha aplicación máis intensiva do recurso que conforma o RLTX, de tal xeito que deba ser considerada de oportunidade política.

Emenda presentada polos Sres. Concelleiras/os do Grupo Mixto.

A Emenda propón a devolución do expediente para que se modifique o criterio motivador da modificación orzamentaria en relación coa funcionalidade do gasto, a ponderación das axudas en termos de renda e imputar o gasto ao ano 2022.

En relación cos criterios de ponderación, non deben estar definidos neste expediente, senón no que se tramite para a aprobación das Bases Reguladoras das axudas e a súa convocatoria.

En canto a súa imputación ao ano 2022, isto é precisamente o que se está a facer coa tramitación do expediente 78/142.

En canto á funcionalidade do gasto, a súa inclusión no servizo de Educación, ten causa en que as axudas só están destinadas ás familias con fillos en educación primaria e secundaria obrigatoria, que son as que incorren nun gasto excepcional polo inicio do curso escolar, polo que se considera axeitada a funcionalidade do gasto e o servizo xestor do expediente.

A vista da documentación relacionada e do informe de avaliación das emendas, para que prosiga a tramitación e conclusión do expediente, en cumprimento do previsto no artigo 123.h) da Lei 7/1985, de 2 de abril, Reguladora das Bases de Réxime Local (LBRL) e art. 177.1 do texto refundido da Lei Reguladora das Facendas Locais (TRLRFL), aprobado polo Real Decreto Lexislativo 2/2004, de 5 de marzo, formúlase proposta ao Pleno da Corporación, previo Ditame da Comisión Informativa, para adopción do seguinte acordo:

PROPOSTA DE REXEITAMENTO DAS EMENDAS

PRIMEIRO.- Rexeitar a emenda parcial do Sr. Concelleiro, D. Xabier Pérez Iglesias, membro non adscrito do Pleno, co número de rexistro da Secretaría do Pleno 3572/1101, ao non respectar os límites previstos no artigo 83.2 do ROP.

A emenda engloba un grupo de empregos adicionais que desborda a contía aprobada en 19.600.000,00 euros.

A emenda non da cumprimento ao previsto no artigo 177 do TRLRFL.

SEGUNDO.- Rexeitar a emenda a totalidade presentada pola Sra. Concelleira Dona Oriana Méndez Fuentes e o Sr. Concelleiro, D. Rubén Pérez Correa, do Grupo Municipal Mixto, co número de rexistro da Secretaría do Pleno 3575/1101, ao formular a inclusión de criterios para avaliación das axudas que non se corresponden co expediente en trámite e si co que se tramite das Bases Reguladoras e da Convocatoria. Así mesmo, en relación coa funcionalidade do gasto, queda acreditado que debe ser o Servizo de Educación quen impulse o expediente.

TERCEIRO.- Manter a proposta formulada ao Pleno da Corporación, asinada polo Sr. Concelleiro de Orzamentos e Facenda o día 23/09/2022 que se engade, non habendo alteración algunha en relación coa aprobada pola Xunta de Goberno Local en sesión do 26 de setembro de 2022.

CUARTO.- Ao non alterar os recursos nin empregos do expediente informado polo Sr. Interventor Xeral o 26/09/2022, non require sometelo a novo informe, sendo o único requisito, o ditame da Comisión Informativa.

QUINTO.- Unha vez votada o rexeitamento das emendas, sométese ao Pleno da Corporación, co ditame da Comisión Informativa a seguinte proposta..."

Deseguido o funcionario informante emite a proposta que se transcribe na parte dispositiva deste acordo.

A Comisión Informativa de Orzamentos e Facenda, en sesión extraordinaria e urxente do 5.10.2022, rexeita as emendas e ditamina favorablemente a proposta.

DELIBERACIÓNS.- Constan no arquivo audiovisual incorporado á Acta.

VOTACIÓN DO VOTO PARTICULAR DO MEMBRO NON ADSCRITO: Con un voto a favor do membro non adscrito, Sr. Pérez Igrexas, seis abstencións dos membros do grupo municipal do Partido Popular señoras e señor, Bartolomé Tocino, Egerique Mosquera, López Roman e Marnotes González, mais dos membros do grupo municipal Mixto, señora e señor Mendez Fuentes e Pérez Correa, e dezanove votos en contra dos membros do grupo municipal Socialista, señores e señoras, Aguiar Castro, Aneiros Pereira, Blanco Iglesias, Caride Estévez, Estévez Rodríguez, Fernández Pérez, Gomez Díaz, Iglesias González, Lago Barreiro, López Font, Losada Alvarez, Mejías Sacaluga, Pardo Espiñeira, Rivas González, Rodríguez Calviño, Rodríguez Díaz, Rodríguez Rodríguez, Silva Rego e a Presidencia, queda rexeitado.

VOTACIÓN DA EMENDA DO GRUPO MIXTO: Con tres votos a favor dos membros do grupo municipal Mixto, señora e señor Mendez Fuentes e Pérez Correa, mais do membro non adscrito, Sr. Pérez Igrexas, catro abstencións dos membros do grupo municipal do Partido Popular señoras e señor, Bartolomé Tocino, Egerique Mosquera, López Roman e

Marnotes González, e dezanove votos en contra dos membros do grupo municipal Socialista, señores e señoras, Aguiar Castro, Aneiros Pereira, Blanco Iglesias, Caride Estévez, Estévez Rodríguez, Fernández Pérez, Gomez Díaz, Iglesias González, Lago Barreiro, López Font, Losada Alvarez, Mejías Sacaluga, Pardo Espiñeira, Rivas González, Rodríguez Calviño, Rodríguez Díaz, Rodríguez Rodríguez, Silva Rego e a Presidencia, queda rexeitada.

VOTACIÓN DO FONDO: Con vinte e tres votos a favor dos membros do grupo municipal Socialista, señores e señoras Aguiar Castro, Aneiros Pereira, Blanco Iglesias, Caride Estévez, Estévez Rodríguez, Fernández Pérez, Gomez Díaz, Iglesias González, Lago Barreiro, López Font, Losada Alvarez, Mejías Sacaluga, Pardo Espiñeira, Rivas González, Rodríguez Calviño, Rodríguez Díaz, Rodríguez Rodríguez, Silva Rego e a Presidencia, e mais dos membros do grupo municipal do Partido Popular, señoras e señor, Bartolomé Tocino, Egerique Mosquera, López Roman e Marnotes González, e tres votos en contra dos membros do grupo municipal Mixto, señora e señor Mendez Fuentes e Pérez Correa, e do membro non adscrito, Sr. Pérez Igrexas, adóptase o seguinte,

ACORDO:

PRIMEIRO.- Aprobar a modificación orzamentaria nº 91/2022, Crédito Extraordinario correspondente ao expediente 78/142 por unha contía de 5.200.000,00 euros, para facer fronte ao plan extraordinario-excepcional, non recorrente, de axudas ás familias con fillos escolarizados en ensinanza primaria e secundaria obrigatoria e educación especial, para o que non existe crédito no orzamento do ano 2022, que resultan empregos inaprazables, quedando xustificada na memoria tanto a inaprazabilidade dos empregos como a falta de dotación orzamentaria para esta finalidade.

A modificación orzamentaria financiarase con cargo ao Remanente Líquido de Tesourería para Gastos Xerais dispoñible correspondente á Liquidación do Orzamento do ano 2021, que segundo o previsto no artigo 104 do Real Decreto 500/1990, constitúe un recurso financeiro para o financiamento de modificacións de crédito. A cuantificación deste recurso figura no expediente e na proposta, que resulta un recurso financeiro adecuado para dar cobertura á modificación orzamentaria nº 91/2022.

Empregos		Recursos	
Aplicación	Importe	Concepto	Importe
3260.4800002	5.200.000,00	87000	5.200.000,00

SEGUNDO.- Unha vez aprobada inicialmente a modificación orzamentaria, en cumprimento do previsto no art. 169 do TRLRFL, o expediente someterase a exposición pública, previo anuncio no Boletín Oficial da Provincia de Pontevedra, por un período de 15 días hábiles, durante os cales os interesados poderán interpoñer reclamacións.

TERCEIRO.- De non presentarse reclamacións no citado prazo, o expediente entenderase definitivamente aprobado, elevándose a aprobación inicial a definitiva, procedéndose a súa publicación no BOPP, sendo executivos os créditos a partires da súa publicación.

De presentarse reclamacións, en cumprimento do regulamentado no artigo 169 do TRLRFL, estas serán resoltas polo Pleno da Corporación no prazo dun mes, sometendo a proposta de resolución das mesmas así como a aprobación definitiva da modificación orzamentaria ao citado órgano.

As reclamacións consideraranse rexeitadas en calquera caso se non se resolven no acordo de aprobación definitiva (artigo 20 do RP).

CUARTO.- Ao amparo do previsto no artigo 171 do TRLRFL, contra a aprobación definitiva da concesión do Crédito Extraordinario e Suplemento de Crédito poderá interperse directamente recurso contencioso-administrativo na forma e prazos que establece o artigo 46 da Lei 29/1998, de 13 de xullo, aínda que a interposición do recurso non suspenderá por se só a aplicación dos créditos relacionados no expediente 78/142.

QUINTO.- Unha vez aprobado pola Xunta de Goberno Local o expediente, o Servizo xestor poderá iniciar a tramitación do expediente administrativo de aplicación dos recursos.

ANEXO ARQUIVO AUDIOVISUAL

Asunto : Pleno extraordinario Outubro
Legislatura: Mandato 2019-2023
Órgano : Pleno
Fecha Inici: Lunes, 10 de Octubre de 2022 9:06:30
Fecha Fin : Lunes, 10 de Octubre de 2022 9:40:37
Duración : 00:34:07

- HTML

https://sede.vigo.org/expedientes/actas/videos_actas.jsp?id=3237

00:00:01 - Asistentes : Caballero Álvarez, Abel; Interventor; Secretario; Silva Rego, Carmen; Elena; López Font, Carlos; Losada Alvarez, Abel Fermín; Mejías Sacaluga, Ana María; Aneiros Pereira, Jaime; Aguiar Castro, Yolanda; Gomez Díaz, Gorka; Iglesias González, Ana Laura; Blanco Iglesias, Eugenia Dolores; Lago Barreiro, M.^a del Carmen; Estévez Rodríguez, Pablo; Pardo Espiñeira, Francisco Javier; Caride Estévez, María José; Fernández Pérez, Jose Manuel; Rodríguez Calviño, Patricia; Rivas González, Angel; Rodríguez Rodríguez, Nuria; Rodríguez Díaz, Santos Héctor; Marnotes González, Jose Alfonso; Egerique Mosquera, Teresa; Lopez Roman, Patricia; Bartolomé Tocino, Carlota; Pérez Correa, Rubén; Méndez Fuentes, Oriana; Pérez Iglesias, Xabier;

00:00:03 - Caballero Álvarez, Abel

00:00:57 : 1.- Aprobación inicial da Modificación Orzamentaria nº 91/2022, de Crédito Extraordinario financiado con remanente líquido de Tesourería para gastos xerais. Expte. 78/142 (Expte. Pleno3564/1101).

00:06:25 - Pérez Iglesias, Xabier

00:08:30 - Caballero Álvarez, Abel

00:08:35 - Pérez Correa, Rubén

00:13:41 - Caballero Álvarez, Abel
00:13:45 - Marnotes González, Jose Alfonso
00:19:01 - Caballero Álvarez, Abel
00:31:45 - Pérez Iglesias, Xabier
00:31:48 - Caballero Álvarez, Abel
00:32:00 - Voto particular
00:32:19 - Votación enmenda Marea de Vigo
00:33:02 - Votación do dictamen
00:34:07 : [FIN]

-- o --

Sen máis asuntos a Presidencia deu por rematada a sesión ás nove horas e corenta minutos, redactándose en soporte electrónico a ACTA que é asinada pola Presidencia e o secretario xeral do Pleno á que se incorpora certificación da Secretaría xeral correspondente o arquivo audiovisual da gravación da sesión, acreditativa da súa autenticidade e integridade.

Conforme o artigo 3 do Decreto 24/2018, de 15 de febreiro, a presente Acta, identificada co nº 14/2021, e o seu arquivo audiovisual incorpóranse ó Libro Electrónico de Actas do Pleno correspondente ao ano 2022.
am.

A PRESIDENCIA

Abel Caballero Álvarez

O SECRETARIO XERAL DO PLENO

José Riesgo Boluda